

復
初
齋
詩
集

復初齋詩集卷六十七

大興 翁方綱 正三

石畫軒艸十

甲戌六月至
乙亥七月

題裴鏡民碑

雲林論書法斷自唐中世晉賢古淡風作者有誰繼艱
哉虞歐褚下上天人際一綫山陰傳兢兢無失墜於惟
化度銘渾乎諸法備肯以貌遺神方整變遭媚殷家名
父子署書同峻利資聖濟度牒過者爲停轡聞熹留裴
碑益州珍石記品到南宋時兼擅歐虞勢正似錢郎詩
遙想杜陵秘沮渠老君碑與敬客塔銘頗亦闢幽懿後學
問津源如何審位置蕭阮臨摹始尚想鴻龐氣太音希

聲弦太羹元酒味寶泉述褚書已涉澆漓意此論或太
過聞者宜凜悸黃米並時論尚憾真楷未矧伊宋後師
懸之寶編類叩須筏喻者相與探古隸

日本國人畫魚於波浪間題云御團扇

雞林市上秋漪夢著我蘇齋雪硯屏猶帶噉啣吹沫響
來交簾影石苔青

桐城吳氏所藏史忠正手札卷

是吾燕京日星虹玉之氣寄此寸楮中首云節孝之門
必昌大次云卜爾卓有建立垂無窮只此二言已括千
萬卷不出平生懷抱孝與忠吳君負母避難者與母罵
賊殉身孝烈同天教墮厓避賊鋒天教母節昌吳宗天

教吳氏一門節孝並垂得史公浩乎正氣千秋萬世壯
峙梅花嶺炯乎寸楮丹心碧血炳照濶舒桐

又書遺山集後三詩

程學盛南蘇學北陸元二老脈誰傳紹熙正際明昌日

南北相望二十年

遺山生於明昌元年庚戌正放翁提舉武夷冲祐觀時二先生竟篋同時

未相見耳

江左休誇病鄴中撐霆裂月許誰同金源南宋分疆後
天放奇葩角兩雄

驢背鍾山照眼青文章未合付熙寧誰知接續咸淳末

始洩精華釀六經

遺山卒後十五年虞道園乃生蓋自王半山詩由經腴出而未得其正耳

又得石硯屏水墨寫天際烏雲二句意

墨痕重處是雨意白影半幅皆日光二者幻入硯屏石
儼覲蔡守於餘杭蔡詩蘇書我舊夢畫者力追愈渺茫
十年齋扁題石畫硯屏架皮蘇像旁今者更出巧位置
又一硯屏前夢儻昔摹樓欄客凭立笑皆執迹奚品量
此幅妙將山照意淡托空際遙天長驅雲擁翠到山脇
那復皴法能具詳窻明併添高閣迥是乃善寫樓窻涼
人間何有晚晴句玉溪早貯古錦囊淋漓元氣不傳處
云誰之思天一方豈必守居此閤子亦非湖舫殘虹梁
佇言萬里寄遠者鳥飛不盡烟蒼蒼始知墨含雨濃濕
盡入頓著徘徊望知我蘇齋賞蘇帖煮泉不爲龍團香
墨雲蒸空挾海綠晚潮湧作屏風張迷離捲起行艸勢

簪頭黛頂皆成章供我添題化度跋相對青眼論嵩陽

硯屏間臨此帖以詩代跋

得帖四十六年後先生恐我摹失真嘆起硯池瘦蛟舞
空光水墨爲傳神

題漢瓦當拓本二首

文曰千秋萬
歲興地母極

胡桃磨剗搗丸泥小杜休矜帛繆齊想見黃圖千里外
瓏玲璧影入瑠題

中央八字賦銘如增損何嫌準六書小史尚方誰意造
凡將篇後範工初

輓辛敬堂

老屋青燈淚憑誰贖敬之

用元遺
山詩語

四門多士感一篋六

經治手勘留吁浦適為魯習之心精過奠基哀江廿年

夢迴睇令雲時昔訪萬載李進士榮

贈馮郎士履

文筆峯成塔俄驚五十年興廉村夢處石畫記誰傳勉

力承先志精勤望後賢瞻天青萬里宿墨補前緣廉郡

坡公書萬里瞻天四字石坊久失去于嘗集蘇書補之昔與魚山謀寫天際烏雲二句詩意今于其嗣君之歸屬其抄寫施注蘇詩闕處見寄也

題儷笙小照四首自序云取放翁青燈有味似兒時句作圖

君家累葉積書倉畫手猶追舊學堂樂事誰能償早歲

人生此境最難忘風來簾動聞廣韻月白庭空熟辦香

一寸膏油紅燭影於今萬丈吐光芒

放翁詩感宦遊蹤

陸集此句在乾道乙酉時年四十一通判鎮江

豈若君家世

澤重珥筆同時隨儼直趨庭舊話侍從容圖成手記猶

含淚詩課更深憶聽鐘夢到江鄉風雪夜對床兄弟共

春冬

此中真味幾人知等說開函滌硯池理蘊源迴深有本

聖涯津逮靜無欺茅簷矢志惟忠孝徽國傳心卽父師

今日詞林來領袖端憑舊學作根基

近日樸學考訂家漸或不盡恪守程

朱故爲院長題此而及之非僅爲新安吐氣也

年華六十迅飛騰身到蓬萊最上層繼晷弗諉借日永

寸陰是惜勵冰兢

聖恩仰戴彌

高厚家學尊聞倍敬承

丹地森嚴台斗際祇期無負此青燈

徐天池墨荷

破荷葉背水艸蟲道人枯坐來觀空
盆池忽遊羣鶴影
青藤書室淡月中

曹儷笙六十壽四首

聖皇

仁壽宇

中天景慶光百福萃昌時彙啟羣彥翔篤茲黃閣老克
膺純嘏常五色麗日中丹鳳翔朝陽輪囷吉祥雲政事
兼文章熙熙長春景發我書傳香

吾猶及前輩黃髮尊模楷海寧及諸城台垣攝篆宰尙
憶稱觴日精神動寮案追說孝感熊

御墨球圖在絳紗八千人綸閣三十載

聖祖仁
皇帝賜熊孝感

句至今舊典型淵源溯瀛海

何以祝延釐家學卽羸金何以侑壽觴青燈卽寶箴夙
夜慎乃司精白勵乃心

聖恩酬

高厚

聖敬凜

高深星辰

天咫尺福祿

帝照臨長以貽子孫以式于士林

喜逢花甲周詞林漸罕儔領袖羣雅材輝光照瀛洲四

座傾詞源千篇鏗唱酬獨此迂老友質言最前脩江頭

長壽仙九十神明邁羨我此筵詩笑擬添海籌

程易田君之鄉

人也嘗自號長壽童子

題百三十八叟江夏湯翁書福字挂軸二首

江漢喧傳

御賜詩尙書句亦近期頤揮豪果卽斯人否擬叩經方

養玉芝

恭讀乾隆丙寅湯雲山詩未知卽此人否

御賜楚民百四十一歲

有詩也歸愚亦年近百齡

相從靖賀問神丹縹緲雲霞篆勢蟠我意竇公貽秘簡

欲追後鄭訂春官

靖長官賀水部皆得道不死寶公年百八十歲時獻樂經卽周官大司樂

也篇

偶爲兒子說漁洋詩附書焦山鼎歌後非敢云

改定也

讀書先識字最古鐘鼎文焦山有古鼎王朱遞考援此

鼎質作耳何時置祇園篆文旣久蝕摹形乖字原無專

與世惠等是無稽言程君摹印手

穆

然否追胚渾呂薛

圖具在何至迷夏殷滋陽亦繪圖如見雲雷紋眇彼西

樵詩豪奪奚足云焉及楚公鐘榮芒寫舊聞何嘗貳百

直復理三千緡

秦檜以三千緡購楚公鐘此拓本歸項子京題云其冊直貳百金

倏今

定陶鼎遠頡南仲勲

近日芸臺又以所得漢定陶鼎置焦山寺

不如山樵銘

真氣壯海門誰補古凡將庶以洗囂喧韻撫夏英公聊
共汗簡存汲古叩津筏冀與知者論

心安畫梅

淡得僧窓說偈心欲憑清峭寫昏陰琅然玉磬難傳處
只有枯枝凍雀音

送楊雪颿任陝藩

清江門第慶重申吳下棠陰頌正新嶽降蕃宣來二舉
帝咨屏翰重三秦保釐夙夜虔旌節經術文章切吏民
更矢奮庸勤報績爾家詒燕賴名臣

十一月十四日樹崐生男儷笙以二詩見賀次
韻

詩來誇我歲逢

恩何幸光輝蔭在門正綵繡紋添建子

冬至後三日

有黃閣

老賀生孫客題菊詠南山壽

是日王午堂來就几寫菊花詩

壁挂魁星

北極尊

適友持贈朱絨織魁星像項墨林文衡山梁蕉林所藏軸也

同日吉祥雲繞

戶墨池蒸起妙香存

手澤深追罔極恩

來詩敘及先大夫手書彌月賀客冊

當時賀客滿蓬門

實培根本詒家世豈僅文章示子孫敢詡掄材台鼎貴

倍思肯構器銘尊李公懇欵寒燈句夢想摩挲片紙存

李濟庵先生北直名進士也手書辱賀彌月七言律詩予碧巖時尚記粘壁

是夜漏下三鼓友人贈嘉祥紫雲山漢畫祥瑞

圖石本喜而有賦

圖名祥瑞縣嘉祥蹟記任城漢武梁題句廿年文字兆
開緘半夜墨花香醴泉芝艸根源結吉語駢詞富貴昌
詒厥子孫金石壽長宜小印篆琳瑯以壽如金石長宜子孫二印印之
百寶千珠細繚論凡將湧喜爲添孫不虛青眼嵩陽夢
今日真題石畫軒

王春敷宗伯父子趨直圖四首

青陽王接宛平王詩到蘇齋話最長寶氏連珠推渤海
記臨唐帖仿歐陽宛平王文貞文靖父子同官宗伯前古所未有也適仿歐書寶賦父掌邦
禮子居廟堂一
段題君齋壁

鞭絲帽影切

彤庭隨步官箴義訓聽樹色日高

三殿近螭頭雲疊九華青

禁中

賜馬小長蘆得句誰爭秀水朱漫說藝林名父子笑他

吹笛月波圖

竹垞有賜禁中騎馬詩月波吹笛圖朱西畹小照也

玉堂故事又容臺親見朝迴述

旨來八十慶筵

天昇與長春雙軸畫圖開

蓮府因召對蒙賜祝明春八十壽因作趨直

紀恩二圖

金冬心墨梅

諳公房裏拈禪偈朱艸林中託興深箇箇冰珠清峭影

難傳湖舫妙明心

建武泉範歌

吾齋既仿建初尺此範又來建武泉建初尺即建武尺
 徑寸之度周輪邊白水真人應符出偽新貨布寧敢沿
 黃牛白腹蜀謠起援神契漫侈漢宣扶風詎肯邀二帝
 一十三策侃侃然太僕監掾職主省考工令史工名虔
 十有七年三月朔五銖之復半載前復五銖事在建武十六年勒銘
 二行字久蝕官鑿反寫疑未全七字蝕下半隸碑洪龔遞摹
 釋卒史歲月訛誰傳孔廟卒史碑七字正如此洪是乃氏隸釋龔氏字原摹皆未合是乃
 篆省初變隸尚方巧鑄精銅鏤凸凹星羅起觚線四枚
 正背光迴旋何張二子釋已誤幾日得自杭湖船張芭堂何
 夢華昔年於丁龍漢東京器此第一續諸元尚凡將篇
 祖齋摹拓尚有誤

小孫彌月客贈古泉一戌一寅古墨萬曆丙午程君房造百子

圖各題一詩

虎兒敢託米生年米元暉生於寅歲小名寅哥犬子詩來配貨泉姚秋

農賀詩用犬子事正叶熊祥占似續斯干巧合鄭君箋讀作已

則百廢來大雅篇螽斯揖揖颺縣縣盈箱吉語盈門福

寶墨緣成寶墨圖

題朝鮮畫鴈

價倍淮南邊壽民嘴藏半翅更傳神水光不借叢蘆荻

意對詩盦得句人詩盦金進士號

王春敷宗伯八十壽詩四首

箕疇歛錫篤生申還荷

恩光作慶辰八表尚書恭拜

賜

萬年天子賁

新綸史編從古榮難邁詞苑于今瑞罕臻特選韶華迎
麗日夾鐘暖律是長春

翠登青陽九點煙蓬壺海綠十洲前翰詹重望推宗伯
父子同時畫集賢政事文章充道氣門牆著錄富經傳
斗台照耀星辰上合作初春百福圓

綺文捧下錦雲章珍賜駢羅出尚方佛現鬘華來寶相
賜無量壽
佛一座

恩教如意侑霞觴

賜玉如意

虞依講幄展鵬處

是日

上御經筵

近

天顏喜色旁昨日畫圖趨直地孫兒扶侍更輝光

奉旨

許孫扶謝

梅舫午堂先後詩同朝老輩繼公誰

前奉查梅舫廷尉八十明年壬午堂

都諫

八十集編一品神仙錄家有千秋世澤垂福厚與年加

益進步行勝我健難追黃庭息息觀心法日浴丹田養

玉芝

吳南溪夢遊黃山圖

光祿燁其後人屬題

麓臺昔畫匡廬稿弗肖香爐與五老南溪今作黃山圖

天都蓮峯果有無麓臺畫借友人說此卷端憑夢想結

南溪廿載官

帝京中外數歷聞政聲不得鄉園償勝踐方信茲山有
舊盟迴環記共雲留宿坐臥何非山性情松聲水聲遠
近間藤蘿蒼瓣來覆肩金霞紫光罩丹氣仙音靈鳥交
翩翹幻浮影入大圓鏡夢遊乃作遊記觀宣城欲傲睡
庵集湯睡庵集中慈光正印普門禪相傳普門和尚因
記黃山最詳此圖今又八十載障溼濛濛叩真宰畫到先
殊院慈光寺諸勝生目攝中融融神光未遷改三十六峰飛翠來處處皆
有南溪在不須更陟光明頂墨點空蒼卽黃海

又題侯官林氏長生未央瓦冊

東平王子著禁扁但有署書無瓦文蕭何二闕蹟既邈

覃思何以傳羊欣八觚受體隨勢造秦金那必徐鍇云
漢瓦當字正如此鳥蟲孰自祛放紛王叟詩湧侈古篆
相斯隸異朱十聞此蓋篆將變隸始尚方物勒工藝勤
勿輕竒觚雜急就星虹力已蟠怒筋九嶼山隅訪碑客
躑躅匹馬當斜曛百年前詫諸老輩罍池搗蘂旃檀焚
我亦羊城及諸友鹿原孫笈垂清芬藥洲燭炮徹四鼓
陸郎筆共雄千軍後來朱楓程惇遞掌錄百種剔盡邾
犁耘裝之屏風榜之室申君兆定募瓦文爲屏十二扇
宋生葆淳及兒樹培皆題其室
日三十四漢瓦軒瓦文自二
字至十二字凡百四十餘種
駢詞韻頌撐檠夢或審其
文或考地後先牽說徒紛紜
或以爲甘泉宮瓦或以爲
未央宮瓦陳香泉跋亦疑
甘泉瓦
之題
蘭話堂中訪舊語來齋兄弟箱囊芸又到覃溪

石墨几慮廐尺來程寸分前題風味耿追憶李吳葉子
同癖薰蕭寥黃圖寄感喟豈以概語摘藻羣區區簷楣
陶旆事竒古笑等搜典墳朱跋槃鑑刀尺比欲並寶刻
歆升雲

於四明范氏天一閣訪許長史舊館壇碑不可
得賦寄犢山兼致晉齋夢華

華陽笙鶴松風夢望切三公海島青擬共焦巖眞侶券
遙追西麓少霞銘趙何儻借居之近羊薄相期鑒者聽
肯讓南禺烏鎮石山陰端有換鷺經欲乞趙晉齋何夢
華二君訪此帖蹤
跡也豐南禺所刻蘭亭
烏鎮本今存天一閣

林吉人蘭話堂未央氏冊邀蘭卿蘭雪同賦又

千金廿載說吳門零落錢池孰共論墨響齋憑懷瑾估
硯山一例品棠邨

贈郭萼樓

塔影園裝卷黃題擬寄羅墨緣論古隸循吏續絃歌左

闕雕鏤訪西川驛路過蘇齋同几夢重補黛丸螺往見塔影

園舊藏王稚子闕卷黃子羽題云此闕在新都道旁每公事往還策馬平岡古木斜陽衰裏不忍去欲屬羅兩

峯寫此作訪碑圖也

岳忠武荅李忠定手牘

軍事旁午未得時候台安遠蒙翰教忠懷義氣

直薄雲漢而貫金石凡在含靈能無感奮况飛素切同仇者耶此已鼓勵軍士直抵淮陰滅此

而朝食已報國恩而荅知已飛之願也即不然亦惟力是視死生以之決不狠顧偷存視惜息

于人閒耳使還附此申謝不宣岳飛頓首觀文相公閣下

南宋奇蹟紹興初岳忠武荅李忠定如此將相並一時
萬古綱常賴氷鏡矧伊烺烺誓天日志切同仇輕性命
一鼓軍士抵淮陰死生以之圖報稱鄂王墨寶世罕傳
一十一札垂家乘相臺孫兒籲冤手搜遍故家血淚迸
李公上饒單騎帖星斗光芒正輝映鄂王正氣凜如生
柳家心正知筆正小楷奏函尚仿顏忠武小楷似顏行
見謝在杭集
艸如蘇力彌勁浩乎剛大塞天地方與蘇書風節應忠武
學蘇書見相臺跋中鋒峻峙背鬼軍欲挽銀河戰百勝行筆如
虹萬丈强寒膽千秋照邪佞忠定裔孫補書首鬱洲大
字拜生敬梁文康書精忠遺蹟四字於卷
前失去李忠定後人爲補之請勒湯陰廟
廡壁登登響徹神之聽

書何端簡公然燈紀聞後二首

初揭三昧旨然燈與授記然否秋窗間試拈第一義深
之造平淡淺矣言風致平淡而非真尚涉虛夸事學古
豈貌古一本于言志性情與學問處處真境地法法何
嘗法佛偈那空寄且莫矜忘筌妙不關文字

何公問字曰吾祖官於東何公官京師吾父始謁公爾

日漁洋集何黃

崑圃先生

香瓣同何黃二詩老吾父並遊從

二老對榻時儻得深折衷萬卷樓舊篋我窺自孩童此
間下轉語東魯士未逢石帆青照海一聲北渚鐘

書魯峻碑陰二首

顏氏春秋魯邸詩干商丁直幾人知洪編笑誤誰家隸

濟學齋廊剔石時

予嘗親到碑下證洪氏隸釋所載此碑陰之誤因得據以補朱氏經義考

艸書懷瓘說張芝且莫徐家藁艸疑魯峻碑陰名氏在

楷行艸法已兼之

狐字楷書妙字行艸

寄荅玉亭制府二首

萬里新詩感舊遊卅年僦直話從頭堂開端範同齋宿

寺倚田盤記唱酬

辛亥春同扈山間亭寓居山間感化

蹕盤寺韻疊閬峯

人已遠禪叅蒲褐夢何由

玉閬峯王蘭泉皆同隨直

緘來白髮相思

字風味何殊對茗甌

節鉞勲名照汗青退思依舊矢齋銘武襄氣已崑崙壯

玉亭新詩紀

緬寧破賊事湯叟音還韶護聽

顧南雅昨書云玉亭近詩似元次山詩格

今於報

國見詞場合作惠民經東吳顧子時懷我吟共蘇齋臘
雪廳

題二薛帖二首

爭比王羊艸靡風料量褚法偃波中西堂自有山陰譜
周鼓何妨漢隸通

昇仙陰俯石淙詩米老雄冠劔佩時借問山陽曜奴筆
如何學古反澆漓

近人有評褚書法似漢隸禮器碑者

蘇書天際烏雲帖有翁字小圓印六十餘處今

兒子屬友仿作之喜賦二詩示兒

吾家姓印來蘇帖真見蘇齋小篆紅從此收藏添印記
尺量金石建初同

量古金石以建初尺爲準
前年葉東卿爲我仿作

書樓石墨篆新鐫寶氣熒熒踐墨緣指與吾兒川印月
星原到處聚星圓

書啟法寺碑後二首

鑒書如論詩坦迤亦一弊縱橫出雄奇神在天人際文
家据上游甫到冲和詣畫家論山川平衍豈得勢開闔
正變兼參差見格制暢委到歐虞探原卽篆隸吾於道
護書幸舉夔齋例右方直下處陰陽盼明麗低昂穀率
間妙筭匠天契化度與離堆下上窮根柢離堆我未見
大楷脈攸繫豈若學顏書圓腴爲活計方矩斯圓神依
仁乃游藝

夔齋品道護所以識蘭亭米老亦有云稽臨聊借盟大

令洛神法良字等書名北齋樊遜隸由字楷則營隸者
楷之式得假爲讞平六朝壞法甚偏傍盡乖經此碑亦
沿陋館狐篆形聲館爲館狐爲抵卽以架構論亦僅圓熟評惟
其運筆訣足以結體程審此結體祕以定誠懸衡漸且
晉唐貫進與造化爭所惡宋後人圓機墮柔傾力扶桀
基始迴幹元氣撐六朝源漢魏跬步圖糧羸問津由此
碑筆髓卽道耕勿侈吳客談縣市千金驚

友人以畫魚蟹索題

一池新綠暖浮萍
濺沫噴珠細嚮聽
記我倚欄尋宿夢
丁形蟹爪印蘭亭

送左樹亭之官江南

十載江頭舊頌聲
召棠蔽芾綠陰成
重尋父老農桑話
計日兒童竹馬迎
浦外濃雲添客棹
窗含宿雨結詩盟
官齋煙樹琴尊夢
時共覃溪和子卿

王侍御澤其門人也

送嚴少峯歸杭守任

祇今誰是錢塘守
青史勲名擬白蘇

御座書屏來

北闕修祠詩話滿西湖

少峯適董潛西湖葺蘇祠事

帖摹蔡夢因人

重記與歐文寫景殊經術循良根本在端明方足繼君

謨前作有美堂後記已勒石今臨蘇書蔡忠惠夢詩帖以贈之故用虞道園題此帖詩爲起句

寄訊蘭雪

宿雨晴來帶曉寒
老夫尚怯袷衣單
道心靜欲添香篆

詩味深於浴內丹
午夢暑消緘淡素
秋窗風定室寬安
維摩示疾元非疾
莫借藏園畫藁看

蔣心畬有藏
園養疴圖

讀劔南詩八首

一飯不忘君奚必其學杜忠孝
出天性肝膽相撐拄偏
值宋南渡鬱借江山吐盪滌不
平鳴風雷有餘怒羗非
藻績爲亦弗騷些取卽以格調
論亦不仿樂府胷次浩
浩乎自行於千古

讀易十絕編未甘王韓許岐陽
鳴鳥前蓋早聞律呂家
學詩禮編治經儼遺緒春秋南
宋後演說日矜詡不及
先生易但說虛衷取了無解詰
處留罅待人補空山流
水間靜光自太古包犧幾萬歲
偶作誕幻語

先生詩云
伏犧幾萬

歲又云伏義三十餘萬歲

楚騷與陶謝自云不相近琴瑟均笙磬同龢而異引謝詩啟唐賢四縣鏗篴篥音聲彩色間或謂別畦畛陶則純乎天天籟初何隱性情卽出處百變傾不盡晉之白樂天夫豈難反本

元遺山云陶淵明晉之白樂天

謙言顧未肖穀率於

誰準似白而不同

放翁詩道似香山實不同

形迹原可泯學陶而不

近斯理疑未允怒者其誰歟祇此蒸成菌

蟲飲三萬場指麾百萬兵奇氣辟萬夫轉戰下百城怒蹴黃河奔倒瀉天漢傾天機雪錦段坑谷咸池聲萬象牟尼珠頃刻拈卽成此腕揮千丈耿耿貫元精然而享蓄間得味乃迴縈一往不復收千里長瀾平筆鋒垂復

縮奇岫側忽橫沉鬱頓挫處所以推杜陵

絲竹不如肉漸近自然境古體發天機宜勝律精整近

有評陸者古體捷馳騁反薄其七律格與宋賢等豈知

長篇氣未勝其力猛放翁七言古詩無過二十韻外者尚讓杜韓蘇扛

舉千鈞鼎使參岳家軍中原復俄頃竟磨盾鼻墨勒銘

北岳頂高文照兩京峻極千秋永恐未及鏡湖松窗寫

梅影

洪斐說漢隸未聞精褊裝何若方伯模監工皮龜堂先生

藏漢碑屬蒲陽方伯三丈銘挂壁三十載古香先生於

模監視裝成十四卷挂薛純陀書砥柱銘自淳熙已亥至所居壁

開禧丁卯再詠已經廿有八年矣屠希能憲筆日抽

古錦囊醉掃行艸書瘦蔓飽秋霜宜州三錢筆無此發

老狂後有江門茅安得竊比量是乃忠義氣發揮於文章有鐫陸書者正與詩相當

廣大教化主唐之長慶間以較宋南渡時會若差肩東都蘇黃輩果否追杜韓尚餘此毅力半壁撐江山晚宋例晚唐孰爭杜樊川罪言十六衛慷慨激肺肝鏡湖此一老氣欲星虹蟠范楊蕭尤侶得無力稍辱茶山前揚鑄白石或後攀俯視諸小集江湖到月泉未知輯南州舍此更誰先獨立長嘯聲蒼然霜雪寒

唐既弗杜仿宋亦豈蘇擬曠蕩今古論筏喻云誰使磊

落輪囷氣造物端倪敢武夷領祠日明昌才出矣

宋光宗紹

熙興戊戌放翁提舉武夷中祐宮是年即金章宗明昌元年元遺山生二老雖未逢魄力略

荷屋先得絳帖末卷與羣玉堂
帖殘帙同弄予爲題絳玉舫扁今茲快得廿卷全竟與
硯山爭寶墨孫梁鴻並百年前潁川劉君面如靦事見劉公
識小錄硯山舊物我夢存殘楮黃家空歎息一軒况有元
初印宋晚還餘墨香滴單攷偏傍果不虛籤題東庫仍
加羅前後諸賢用意殊卽此鏡如量乘尺爲君題作平
帖齋夜夜晴虹貫空碧

自題退補齋

退補從何補先應說退思幾時償所歉清夜檢其私挂
壁銘誰誓開編愧日熾前愆焉塞得卒踐祗夸辭

哭岷兒三首

黑業多虧折無端損爾年何心追往事拭淚對秋天爲

父慚奚補留兒弱可憐翻思元日句不合壽坡鐫

兒以十二

月十八日生自號壽坡今年元旦客爲鐫印以贈

寫照長松倚常傾坐客題兩邀開卷薦並負畫荷戔敢

諉文於命誰爭數不齊二兄同視久

伯符仲通

撫柩最悲淒

學詩功未就方葉共題襟

所同唱賦益友方式亭葉東卿尤善

北地師如

游新城派忍尋

八月廿八日漁洋生日

他年傳寺塔遺墨愧高岑

或借微名字青留貝葉陰

城東法塔寺及宏善寺陳香泉書畫鶴賦壁兒皆有手題

焉存

張南山書來云羅浮山道士乞分霞嶺詩刻石

羅浮二山界舊名佛子凹蓬萊之左股鵬羽掣六翮到

此蒼翠間風雨氣乃交分霞名初勒五色鳥所巢遠寄

五字題墨湧千峯高笑酬張子意補昔伊守勞昔伊守勞

州來書云羅浮山中未琅然少霞銘聲接大海潮卿守惠

春敷宗伯八句

恩獲圖二十韻

八句

恩肇錫二月律陽升

詔選稱觴吉歡初藝苑騰宗伯生日在十月奉旨獻吉為祝詞臣罕有

九重來寵渥十賚古奚稱稠疊珍恭捧駢聯慶拜登梵

天無量佛寶座記然燈無量壽佛一尊事事皆隨意如如最上

乘玉嵌如爐香陳琪璧几案喻岡陵陳設九件幅幅光繻帛

絲絲織綵繪寧紉九件八佩囊團綺繡迴璫結金繩荷大

包九對小湘管名花簇筆三紫雲瑞靄蒸墨三一池函

映漆三硯壽為朋硯三是日

宸光近祥煙

譁幄凝趨瞻虔額叩翹荷切水兢

喜傍

天顏側

申加綽福增是口經筵敬於駕前溫逾紳綬襲耀

及子孫仍特許孫兒畫手難傳處儒榮倍萬層光華依

斗極日月沐

升恒海屋千籌筭圖書八庶徵丹誠彌世篤青史幾人

能勉效芝英隸前題仿夏承竊用淳于長碑

筆意題幀首

贈丁達父二首

脉望名齋結古歡庚庚佩篋篆叢殘何如不音彪準搜遺

篋破冢荒林洗剔看

掃葉書牀猶在否

陳無軒有掃落葉頭陀所銘書牀無軒書帖多歸達父故云

掀撥

對榻夢依然

丁小正

治經相勗專精語回首西窗四十

年

論詩寄筠潭觀察二首

誰言葉宋分符去復得蘭卿約萑鄰夢到潞河風雪夕

傲他洱海唱彌人

玉亭制府寄詩語及芷鸞

簷花索笑如拈訊行艸

無拘始見真

蘭卿說筠潭欲作楷札故以此寄之

多少燈窗梧竹響欲憑

舊雨爲傳神

我於杜法叩元音上下千秋作者心只在豪芒懸穀率
相期山海問崇深蘇黃盡處途逾騁韶武原頭事孰任
除却繡絲平熨帖更將何術度金針

因覺性師寄題永師潭柘寺壁

未踐禪扉叩遙聞隔水鐘齋心貝多葉笑指虎溪筇覺
老定中訊永師塵外蹤蘇齋覓轉語雪灑半厓松

蓮府壻新歲二日蒙

恩茶宴以石渠寶笈三編聯句句有千文編次語蒙

恩恰賜趙書千文屬爲賦詩以紀

恩遇

千文字記項家編未得珍題捧

御筵豈若吾甥叨茗讌恰來趙蹟應詩聯尙書玉躑頻
年積王氏青箱奕葉傳他日香厨籤

賜譜光分

寶笈壓虹船

尊公歷年所蒙亦用千文編次此卷爲揔目也

賜軸祝其將來

唐鴈塔題名石尙存三行世無知者爲作詩拾

遺裴休大理評事柳乘鄉貢進士
柳藥大和四年十月十二日同登

唐題光化記撫言撫本始宋宣和刊大名柳城勒爲卷
石又散佚拓罕傳今之存者宋後蹟遊人登眺相追攀
競唾會昌一品老前題那繼杜與顏杜題雖聞卷第四
然否高薛岑差肩顏題記官校書歲三層西北梯梁間
皆柳重撫非舊石儼覲紫陌新郎班慈恩寺壁石何幸

姓名置此非等閒書家烜赫褚聖教屹然隸楷雙扉闕

條經二百六十載

大和四年庚戌至元祐三年戊辰二百六十年

醉僧大帥偕

此鐫舊題三行罕問者拾遺裴休柳乘槩是乃當時曲

江譙譙罷濡墨之舊觀爾日平泉未作相尙在牛李黨

事前濟源裴君亦淨侶二柳儼結無漏禪圭峯碑約柳

篆額元和脚孰家雞聯鄉貢進士只此一抵得諸佛名

經千柳撫不傳獨傳此楷楷素艸光中天素艸紛紛共

詮釋矧此妙楷丰神翩大和四年十月日豈惟筆諫珍

誠懸元祐篆題補刻耳素師遑敢居卷端萬古科名艷

石墨幾人得並繪素看禱喜蘇齋別碑手詩在重譙瓊

林選

李漢孺親家六十壽

爐香我正拈禪偈塔影君方讀道書
丈室笏牀誰領取
寸田芝朮自芸鉏閒中養福春
長駐靜裏觀心味有餘
綠酒紅燈上元夕精神倍勝十年初

秦嶧山碑舊本

嶧山秦碑曰木刻謂出棗木肥本前棗木之刻誰所作

杜公初擬孤嶧巔

孤嶧秦碑在杜早年句未考是重刻

唐時所勒木耶石

拓本聞自董廣川夏竦之藏董之跋氣質渾重然不然

杜以肥瘦辨今古之果摹更肥甚焉嶧山刻辭史所佚

時在秦望之梁先尙假儒生爲粉飾斯也覲撰蒼頡篇

爰慙陳學皆題此閭里籀篆資以宣此卽元祐嶧陰本

蒼頡七章卽秦篆豈以小異徒駢妍从水省或水不省

爾時必有系惜詮增損旣準秦法律形聲儻與周官權

奇條漫說吏師授虐燄安得解詁傳不然徐鄭肯摹失

玉篇隸楷仍相沿玉篇亦載波字我由夏董溯徐許杜詩寶賦

非拘牽土人重刻又見寶泉賦注羊車石徑跡蕪絕驚鼻石屋空荒

煙竊嘗八度瞻紫翠世傳七木誰差肩揚東里都南濠皆言世有七幕

本今吾齋海東金君惠緘致墨暈玉筍中鋒圓置諸嶧

陰堂本上已塋甲秀匡廬編適爲葉生校定廬山甲秀堂秦篆譜

寄金秋史兼贈趙雲石

秋史遠懷我扁以覃名室何異蘇齋榻晨夕來促鄴積

水萬里外情難尺緘悉豈惟眄雲樹訓應馳聲律古人
重交友所貴名副寶淵平真性情必驗於經術有來雲
石子誼與秋史匹款戶印精微今古遙相質漢學與宋
學問津途則一盡掃門戶見方憑義梳櫛詰訓攷訂家
同此汲綆出百家富贏糧寸心程得失大海函鏡中相
觀歛於密索我經劄記慎擇難殫述重盟金石諾補我
跋尾帙客有樓拜經笑理古文泰君之女柳誅芝山拜經樓詩州有徐生只
是秦方士那得舟中戰古文二句極有味語及吾兒笈淚灑哀遺佚遠致撫
秦篆尙慙徐鄭筆冰融壽簾硯星指歸帆吉源言孤島
篇恩倍王摩詰

管仲姬墨竹卷

自題云夫君去日竹初栽竹已成林君未來玉貌一衰難再好

不如花落又花開
管氏仲姬寫寄子昂君賢
錄王辰秋舊作

吳興絕妙竹枝辭
學士芳辰一見之過雨湘江新翠滴
迴文蘇蕙寫絨時誰言皓腕臨溪曲
宛效鷗波點墨池
正及琴絃傳密語同聲吹徹玉參差

以齋中雪浪石盆銘硯拓贈蘇靜齋題二詩

壽坡松蔭蔭蘭咳雪浪盆銘小硯開爲報定香橋雪意

瑞花喜趲上春來
今年正月得雪

瓣香苔石海南祠篆裏梅檀借佛兒誰比蘇齋墨緣結

宋蘭揮與蔣蟠猗
漫堂耕谷皆號蘇齋故以二家後賢爲比

跋然燈記聞六首

然燈付法元無法誰識牟尼授記初偶趲涼宵池北語

當時敬用佩紳書

崑圃門牆萬卷披丹黃親見載書時海鹽戊癸籤誰記

光印千燈幾箇知

嘗慨惜胡孝輟唐音統籤漁洋只見戊籤癸籤耳

盛唐格調費摹臨何李登場枉用心早識如姬竊符巧不如貌取寂寥音

辦香且莫效文房七子登壇最擅場屠估猶然目元白

何知世更有蘇黃

制軍清節礪寒燈淡飯齷蔬對友朋此是真詩誰寫得

竟無人識一條冰

何端簡公官直隸總督每置先父共飯見其自奉蔬菜而已端簡謚偶不

稱文人多不却是翰林也

何黃皆侍新城席初集先人受讀親末學淺聞奚補益

虛慚壇闕掃除人

唐顧升為妻莊廕琴銘并莊寫心經拓本

顯慶二年

八月

敬客書銘梗梓谷殘珪已闕歐趙錄顯慶初年拓同讀

在塼塔銘之前一年二薛爾時皆效褚豈若斯銘渺延佇助助入

琴怨脩阻人邪琴邪訴欲語顧升為妻莊寧譜莊寫心

經並千古馬家劉妹誰摹臨褚法耿耿結同心千古如

聽莊寧琴

唐時婦人工書馬氏劉秦妹尚在此後

論褚書八首

不品歐書品褚書規圓渾一矩方如倉精造象開王業

量到奎躔仰曲初

漢武梁祠象題云伏羲倉精初造王業王即石鼓王字或釋王誤也

轉益多師慎所師後賢何致憾澆漓遺山針度鴛機繡

未信坡詩百態奇

元遺山論蘇詩卽寶尚輩論褚書之旨

中禁西堂自品題三倉八體共端倪圓鋒欹卽中鋒正
滑裴瑩然想會稽

元常十二意誰尋逗露張顛得法深於舞交衢過君表
問君何處著摹臨

三龕記到度人經巨細相懸豈在形隸勢渾淪憑測景
尺圭所以定經星

曜奴七子彼何人韓勅碑傳瘦硬神只有褚書留此法
誰知一髮繫千鈞

近來學褚良常叟篆隸惟憑瘦細論不識圓腴真血脈

顏筋柳骨出誰門

陰符艸偽楷方真那執稽山帖目論獨有孟師殘拓在

千金懸市秘吳門

稽書小字陰符真艸二本並在宋越州石氏帖其艸書者贗作也世罕知

者

友人以予篋趙書天冠山詩勒石

是乃趙蘭亭超諸獨孤本獨孤本勿論鄧霖刻太舛我

笑董讚詞贗入誰家卷

趙蘭亭十三跋後董文敏一跋論趙書極詳久爲人割附他卷

矣趙書神秀筆直造山陰閫所憾趁姿媚或鄰鋒側偃

此則純中鋒欹卽正之準乃知羊薄脈未去裴樹遠中

山薛拓初五字詎鑑損

獨孤本蘭亭是薛氏中山初一拓五字未損而趙未深考

還舊觀誰謂響揚晚奚其而若摹必執永和前西江

廿載盟匡廬半偈轉寄訊錢梅谿蘇齋對甌苾錢梅谿先已墓刻

電白邵生子詠及孫裕初書來以予舊題熱水

池詩石本見寄感賦

多年電白憶溫池前歲歸裝寫舊詩涂蔡二君追襍刻

見熱水北平三世有韓碑雲泉笏竹雕重詠昨寄題廣

詩藥沼津源幾箇知寄語馮郎盟記否蘇齋蘇集辦香

時

趙仲穆書洛神賦

過庭妙筆寫洛神跋者擬之王子敬子敬洛神無歲月
而此六年題至正時在集賢侍直前先承旨法彌端勁

不比創艸破正餘聖壁功分醉時臚書付官奴師楷秘
借爾行押追妍勝暉繼阿章印未剋少霞山卿誰季孟
安得雪川合神光小水晶宮大圓鏡袁忠徹跋云所藏
并有松雪洛神賦
真行
二卷書家且莫炫王羊何必象賢慚先聖直將晉法品
吳興肯讓右軍傳大令

和石士芙初唱鬲二首

鯨呿鼈擲本和平經籍膏腴卽性情無句可傳皆道妙
如虹之氣以神行杜韓沃轡憑驂駕毛鄭尋源切邁征
浩蕩川涂卽涉始宿春且試辦糧贏

季常貢父唱誰工俱效蘇門學士風舉首褒然從古羨
芙初會
試第一詞垣再入笑余同予與石士皆
再入翰林條氷鑑澈蘭襟

外鄰寺鐘來竹幌中欲傲樂蓮吳蘭春榴山江南煙雨
翠濛濛

送文遠臯巡撫貴州二首

每懷于役切諮諏今見臨民裕乃猷勉副

主恩勤教養深憑經術出綬柔堯衢番峒環耕鑿禹甸
荆梁接頌謳郇柔召棠釐保錫發揮實學鞠人謀

萬里

新綸照鼎台七旬舊侶昨詩來

雲貴玉亭制府適有見寄之作研田憶

我迴雲樹驛路懷人寄嶺梅

謂礪堂

仍結玉堂聯楊夢敢

矜銅柱勒銘才黔江圖畫前題句又佇南天制府開

礪堂

前有黔江小照

四月十三日同梅舫石士荳鄰守樗蘭卿遊崇

效寺

大字琅華石墨緣來同趙宋集羣賢齋扉白紙坊邊叩
圖畫青溝偈子禪問訊花時春又過和歌棗下意誰傳
遊蹤且莫追諸老已隔懷人五十年乾隆癸未與梅石
辛相來遊今五十
四年
矣

查梅壑畫桃花源圖并書陶記卷爲梅舫題四

首

畫於甲戌仲春寫
記在乙亥長至

橘洲田土翠空濛不與仙家幻境同合著柴桑文字

桃花水借菊花風

二瞻晚歲寓維揚花外池亭柳外莊身在太平圖畫裏

天然真意寫耕桑

誰言行抑仿華亭法外蕭閒不取形元四家叅疎密處
白雲吞吐半厓青

後乙卯人年八十澹無言說自尋源故教二叟拈詩話

梅舫覃溪對榻論

梅壑生於萬曆四十三年乙卯自稱後乙卯人此卷在康熙三十四年乙

亥年八十一今鑒藏與題句又得吾二人皆年逾八十是以戲及之

桐鄉馮伯陽司寇自銘硯已失復得其孫孟亭

侍御作奉硯圖予既題之後此圖又失去今侍

御孫復得之來求詩

硯既失去復歸篋圖又失去今歸來此硯伯陽司寇琢

江寧藩屏選石材七十老人銘手勒厥孫得之重手揩

如見乃祖潑墨日

伯陽畫山水得董文敏法

孫又七十官西臺手銘

後又圖手奉韻事廣邇西園才我詩辛亥歲春首又廿

載追文譙陪昔與星石訂蘇注上下施顧窮根芟寤寐

鄭羽景定本日夕殘篋憑沿洄依依風味緒如結此圖

何啻舊本開重重石盟題又續呵之玉液流煙煤角弓

無忘譽嘉樹手澤永永貽蘭陔汶陽歸田趙歸璧信誓

一氣青岑苔夢蘇艸堂詩話在墨緣記取來蘇齋

孟亭之嗣

星石少卿昔每於吾齋同訂蘇詩註慨想宋景定鄭羽重刻本而未得也予爲題其齋扁夢蘇艸堂

菩提葉紗冊寫經歌

佛說菩提本無樹何況有葉能成紗此句舊題訶林壁
壁寫應真禪結跏譯經細書梵夾字貫休墨妙古所嗟

朱老題詩詫石硯豈識楮葉來幽遐刻藤之滑蠶香膩
穀皮魚網何足誇寺僧語我砌下綠斛水瀟淨纖無瑕
圓圓瑩几借觀紙絲絲入理如皺麻菩提薩埵一切義
懷仁集字更幾家梁唐嘉樹蹟久失樹在光孝寺有扁
去矣琴絃記拂玉畫文善鼓琴五十年前穗城夢落
葉風響僧鉢茶遶摩西來片雲影此卽蒲澗優曇花

題觀碑圖

五月廿九日梁蔭林約孔荃溪李蘭卿葉東卿來題漢石經殘字石而莒

林恰得此殘字十段故題於此圖以記之

三字經誤自范史鴻都經誤由韓詩鄱陽雖聞續滂喜
劉球且漫同婁機今古幾家真賞識共借楮橐窮精微
濟上張燈春夜宿黃子官廨竟一音卽今蘇齋十笏窄

尙論漢隸千載疑苔岑石筍結風雨孔李梁葉相追隨
奇哉一函梁伯子宛覲十段錢樸溪樸溪與我別十載
識爾搗藥裝潢治却仿覃溪押尾印幾日梁子盟夙期
小隸石邊一行續似聚黃子前圖時濛濛雨又墨池起
石理歲歲苔花滋

書放翁與杜敬叔手札後四首

略云大抵此業在道勝則愈工

雖前輩負大名者往往如此願舟車鞍馬間加意勿輟他日絕塵邁往之作必得之此時爲多

一言抉詩髓道勝則愈工自昔不留訣寸心千古同論
詩到真際乃得於放翁放翁千萬篇初不涉性功宋史
揭道學徒以驚盲聾別才非關學嚴羽豈禪宗不著一
字處何傷品司空三百蔽一言無邪該律簡所以崑崙

今皆不奇聞大令帖裏篋以玉抵鵲崑山岡昔錢辛楣知何往

氏天一閣見所蓄碑卷端乙去龕惡隸賈令篆仿神飛

揚洪云篆額存賈令字櫝歸鄰舍夜照戶亘天古墨熊熊光

石谷仿黃鶴山樵小幀二首

自言悟徹真青綠水墨光中定更圓纔識山樵水墨法

盡收三昧到畊煙

何人禪榻對爐熏雨歇前山午磬聞意在萬竿深竹外

半窗水翠一襟雲

書劉熊碑摹本後

蔡邕章句系月令華陽志不辨景鸞近見輯蔡章句如此顧於嗣

真品書品別白太學親書丹我題夏承暨華岳未敢附

合滋抨彈洪於棗令推漢隸王建張祐詩所歎朱十頗
援鄭簠語語以奇古仍未安是乃蔡書最高格正可石
經同凡觀石經尙有堂谿輩體涉王曜兼劉寬此碑存
字雖已少峻整勢更加嶙峋朱跋荷區派三出我舊服
膺鄭與韓韓禮器碑七人作鄭郎中石三段完意追秦
前周鼓後天球大貝古鼎盤昨借維揚汪氏本畱耕朱
老秘楮殘朱臥庵之赤我蓄巴君江子笈晴窗邀客並展看
江也鈎摹獨神肖波畫濯影明琅玕韓勅鄭固二碑上
鸞翔鳳翽千仞蟠以亞周秦古篆籀下視三字論邯鄲
石雖不存存此影宜著蔡隸於卷端猶勝懸帳記米老
遊鄉字說師宜官

東卿蒞林蘭卿同投劉熊碑雙鈞本二首

隸到中郎最上乘冲乎筆正度淵凝如何輕易論奇古

頓悟筌蹄百萬層

竹垞以劉熊碑為奇古非也蓋所見殘本太過泐蝕遂目為奇古耳

滑璽晴鋪窻定影蘇齋客對眼俱青始從鼎屬鑪錘外
秘鑰徐來叩石經

東卿摹勒漢熹平石經學而篇五行殘字二首

硯山退谷摹三段武子牆東贖五行

此五行殘刻是錢棟路所得徐璠東

樹丕手

日下城南翁葉拓蓬萊宿諾接翁黃

昔與黃秋僉同摹般

庚論語三段嘗題之日蓬萊宿約

意抑吾嘗取伯申

高郵王廷尉引之

易詩合共傳箋論

易繫辭傳臆亦

要存亡吉凶是抑字詩小雅抑此皇父是臆字

石經方是研經事不假南原辨

藏人

顧南原云敬辨之作欲以解經

鞠見南桐陰放鶴小照

碧梧丹頂白雲間
喚我彭城舊夢還
此是蘇齋真響蒼
詩盟清嘯對江山

予初奉使過徐州放鶴亭夜聞鶴鳴而見南卽予已亥江南所得土也

題畫

爲誰點破翠空濛
仄磴雲迴密樹叢
神在遊人竹筥上
山光盡到目光中

蘭卿移居

新居喜及小春光
舊扁仍題妙吉祥
屋儻敢矜依次道
巷鄰何減爽清漳
論詩篆藁邀彌近
下直芸添畫漸長
地記鐵門名更好
量來筆筥永師房

江南蕭君田盤訪梅圖二首

澹交直取性情真，鄧尉銅坑宿夢因。
挈榼提壺爭覓得，松風水月瘦精神。

故遶前岡結冷雲，幽花半樹謝聲聞。
相量松石論高格，可借詩盟李鐵君。

寄金秋史

書來慰我寂寥間，寶室名尊正惡顏。
豈有津源窺大海，敢希楚望荅東山。

來書以趙訪鏡奩更顯形容老蟬楮春秋學爲况

多憐目力艱，欲效殘歌未集後。
卽憑島信附詩還，竹垞高麗

殘歌爲友人作而未嘗遠寄耳

簡芙初

蓮洋得髓定何人匠契金手吳蘭恐未真渺矣雅材稽
傳疏慎之經詒訂朱長孺陳長發指南易失川涂近坐右誰
憑藥石親多少鯨魚跋浪手等閒虛負隔街鄰

唐臨瞻近漢時二帖

今日得見唐臨晉快馬長鎗破行陣偏闕數行來趙補
翩然裘馬丰神俊紙尾自署子昂字銅邊我識元時印
此去唐臨三百年更追三百年以前頓起龍跳虎臥勢
神光卓爾空際懸鬱怒雄恣清而妍技進非技純乎天
斯意突過全幅全斯人名乃遜趙傳使我三歎增怵然
篆香裊入梨凡邊耳字翻成誤旁注瞻近帖三行末縫書笑比
徐僧權何用跋到元明間鍾張競說相差肩

文遠臯巡撫河南

千里心期佇望通中天

眷命許誰同文章幹濟追湯

潛庵宋仲收

敷歷精神照洛嵩

報荅

主知惟實學發揮經術更虛衷蘇齋石墨論緣切那數

前題寄臯公

秋帆昔寄嵩少石刻

追題陳雪園觀察讀書吾廬圖三首

篆香揀茗瀹花羹共識平原欲繡絲六十年前前輩在

好詩題遍白雲司

數椽峯泖好林廬風遞書聲出戶初一段流觀千載意

依然遶屋樹扶疎

孫子能添翰墨香舊時風味述詞場成科我記諸詩老

軸到蘇齋話更長

卷有金海佐鄭誠齋
王芬子諸公題句

題疏影軒遺詩

國史箴得失風自閨門始卽以女子詩不外無邪旨莊
姜共姜篇秉心貞義矢下暨許宋思亦各關倫紀何至
唐晚什光威聯綺靡徒涉景事工寧論誨言砥正變所
以分興觀化攸攸政聞中何恭人五言首詠史繼以坊兒
作寄舅兼懷姊旣殊香奩艷何嘗玉臺擬弗取巧繹評
或漸風雅企寄語採風者庶於斯編視

王午堂都諫八十壽

記對匡廬祝願申澹交石墨性情真七言宿諾能傳信

三友前盟果結鄰

昔在南昌奉贈三友之句謂公及東峯也今得與公及梅觴廷尉年皆八十

十詩有雪梅閑氣味人如松鶴瘦精神馨宜百福胥來
萃正合年光臘近春

羅浮道士寄贈古藤杖諸君爲賦詩

右携筇杖左人扶放翁嘗歎衰至此放翁時年七十七
數步江干興未已尙憾杜陵少行立偶託扶筇聊徙倚
坡公雖答安期贈高筇仍將樂全比我今衰老不出戶
左腳病來難舉趾高人何意被知覺醉墜儼同勞問視
分霞嶺凹百節藤一條拔地輪囷起紐作仙壇竹葉符
欲伴栩栩花蝶使四百峯頭曠莽懷五十年前竚神理
驕榮多欠三洗伐慧力僅憑七發啟諸君助我長嘯聲

滿襟詩思涵煙水
侈說披雲採藥苗
欠伸初未移窻几
爾自葛陂學變化
我愧青藜照文史
那矜掣電搜四壁
且乞寒芒鍊五指
削成一束瘦艸書
還寄山中老道士

周鞠人看山讀書樓圖

打破畫家圍看山
逸興飛此間
論楮墨空外得精微
坡老叅禪偈
莊生杜德機
一窻青四壁
那偁軫絃揮